

Tonga - Lufutuko Magwalo - Salvation Scriptures

Ba-Efeso 2:2 nzimwakali kweendela mulinzizyo insiku, cakutobela ziimbo zyaansi ano azyamweendelezi uujisi bwami bwakumuuwu, nguwenya muuya uubeleka sunu mumyoyo yabana bakasampusamu.

Matayo 6:10 Abuze Bwami bwako, Alucitwe luyando Iwako, Ansi ano mbubonya mbuli kujulu.

Luka 22:42 wati, Taata, kuti wayanda, gwisya cinyrido eci kulindime, nokubaboobo akucitwe kuyanda kwako, kutabi kwangu.

Johane 16:7-9 Nokubaboobo ndamwaambila kasimpe kuti, Nceceeledé kulindinywe kuti ndiinke, nkaambo ndatainka Mugwasyi takooyoosika kulindinywe, pele kuti ndainka ndiyoomutumina nguwe. 8 Walo asika, uzooipa mulandu inyika aazibi, aabululami, aalubeteko: 9 aazibi, nkaambo tabandisyomi,

2 Timoteo 2:10 Eno ncenzumbaanina bobuya nkaambo kabaabo basalidwe, kuti bakajane lufutuko muli-Kristo Jesu abulemu butamani.

Ba-Roma 15:20,21 Pele ndipangide moyo kukukambauka Makani Mabotu nkwtazibidwe izina Iya-Kristo, kuti ntakayaki antalisyo yamuntu umbi, 21 pele mbuli mbukulembedwe, Abo batalwiididwe impuwo yakwe, balo bazoobona, Abaabo batamvwide, balo bazooswiililisya.

Incito 2:36,37 Aboobo ijanda yoonse ya-Israyeli izibisyé kuti oyu Jesu nguwenya ngomwakabambula, Leza wamucita abe Mwami a-Kristo. 37 Nobakamvwa obo bakayaswa kumyoyo, bati kuli-Petro akulibamwi baapostolo, Nobaalumi bakwesu, ino tucite buti?

Hebrayo 4:2 Nkaambo ncobeni swebo twakaambilwa Makani Mabotu mbubonya mbuli mbabo, anu abalo ijwi ndyobakamvwa lyakakakilwa kubajanya cintu, nkaambo tabakaswaanganide mukusyoma kwabo abaabo abakamvwisia.

Jeremiya 24:7 Nkabela njoobapa moyo wakuziba kuti ndime Jehova, lino bayooba bantu bangu, ambebo njooba Leza wabo, nkaambo bayooboola kulindime camoyo woonse.

Incito 16:14 Naakabapatizingwa walo abejanda yakwe, wakatukumbilisya kuti, Na mwati ndisyomekede ku-Mwami amunjile

muñanda yangu, mukale. Wakatukombekzya.

Matayo 13:14,15 Nkabela mulimbabo kwacitwa ngaakaamba Isaya, kuti, Mukumvwa kwanu mulamvwa, nekubaboobo tamukoomvwisy, Amukubona kwanu mulabona, nekubaboobo tamukoobonesya. 15 Nkaambo myoyo yabantu aba yanenesya, Nkabela matwi aabo taamvwisyi, Nkabela meso aabo baafwinya, Kuti bataboni ameso aabo, Akutaswiilila amatwi aabo, Akutamvwisy mumyoyo yabo, Kuti batasanduki, Kuti nzoobaponye.

Isaya 6:9,10 Wakanati, Koya ukaambile bantu aba kuti, Kumvwa amumvwe pele mutaswiililisyi. Kubona amubone pele mutabonesyi. 10 Neneesya moyo wabantu aba, lemezya matwi aabo akulamba kumeso aabo, kuti bataboni kumeso aabo nikuba kumvwisy kumatwi aabo nikuba kuswiililisy mumyoyo yabo, batasanduki akuponesegwa.

Marko 4:11,12 Mpawo wakabaambila kuti, Nywebo mwapegwaaasisidwe aa-Bwami bwa-Leza, pele kulibaabo abali anze zyoonse zilacitwa muzikozyano, 12 kuti kubona bakabone pele kutabonesya, akumvwa bakamvwe pele kutamvwisy, antela mpaanga balasanduka akulekelelwa.

Johane 12:39,40 Nkakaambo aka ncobatali kusyoma, mbuli mbwaakaamba alimwi Isaya kuti, 40 Wakoofwaazya meso aabo, wakayumya myoyo yabo, Kuti bataboni ameso aabo, batamvwi mumyoyo yabo, Batasanduki, Kuti nkabaponye.

Ba-Roma 11:7,8 Lino nkutyeni? Eco ncibakali kuyandaula ba-Israyeli tabacijene pe, anukuti basale balicijene pele bamwi boonse baliyuminidwe. 8Mbubonya mbukulembedwe kuti, Leza wabapa muuya waciñonziñonzi, Meso aakutabona, amatwi aakutamvwa, kusikila kuciindi casunu.

2 Ba-Tesalonika 2:10,11 Uyooza alweeno loonse Iwabubi Iwakweena baabo abali mukunyonyooka, nkaambo teebakayanda kutambula lusinizyo Iwakubafutula, 11 aboobo Leza wabatumina kucita-cita kwalweeno, kuti basyome kububeji.

Matayo 13:18-23 Lino amuswiilile cikozyano camuminzi. 19 Muntu umwi aumwi amvwe makani aa-Bwami akutamvwisy, elyo ulasika mubi, ulamunyanzya cakaminzwa mumoyo wakwe. Nguwenya wakaminzwa kumbali kunzila. 20 Alimwi oyo iwakaminzwa muvu lyamabwe, nguwenya uuswiilila makani, elyo ulafwamba kwaatambula cakukondwa. 21 Nekubaboobo tajisi tuyanda

mulinguwe, anukuti ulakolela kaindi kaniini buyo, lino naasika mapenzi antela makataazyo nkaambo kamakani, mpawo ulalebegwa. 22 Alimwi oyo iwakaminzilwa mumamvwa nguwenya uuswiilila makani pele mapakasyo aaciindi ecino akoongelezegwa kwabuvubi, zyoonse zilasyanikizya makani, nkabela taazyali micelo. 23 Alimwi oyo iwakaminzwa muvu ibotu nguwenya uuswiilila makani akumvwisya, nguwe uuzyala micelo. Umwi ulazyala mwaanda, umwi makumi aali musanu alimwi, umwi makumi otatwe.

2 Ba-Korinto 3:15,16 Pele kusikila sunu kufumbwa ciindi ncibabala ibbuku Iya-Musa, cilisitilizyo cilikeye kumyoyo yabo. 16 Anukuti kufumbwa ciindi ncibapilukila Mwami, cilisitilizyo cilagwisigwa, Isaya 30:28 Lino Jehova uyoocita kuti ijwi lyakwe lilemu limvwigwe akutondezya kuvukula kwakuboko kwakwe, abukali bwalunyemo Iwakwe: amabangabanga aamulilo uutentesya, aguwo amvula impati acivulamabwe.

Hosea 11:3-7 Nekubaboobo ndime ndakaiisya Efraimu kweenda.
Ndakali kubeenzaenza mumaanza aangu, pele kabatezi kuti ndime ndakabaponya. 4 Zyaanzyo nzindakabaanza zyakali zyabuuya, intambo zyangu zyakali zyaluyando. Ndakali mbuli basikugwisya ijoko kunsingo zyabo, ndakali kubalisya zilyo. 5 Takooyoopiluka mucisi ca-Egepita, pe, Asuri uyooba mwami wakwe, nkaambo kakuti bakakaka kuboola. 6 Ipanga liyoouma minzi yabo, liyoomanisya kulya mankolo aamilyango yayo, nkaambo kamiyeeyo yabo. 7 Bantu bangu balizibide kuleya kuzwa munzila iiluleme. Nekuba kuti baitwa kuliyooyo uuli kujulu, taakwe naba omwe akati kabo uumulemeka.

Incito 26:18 kuti ukajule meso aabo, basanduke kuzwa mukusia, baye mukusalala, akuzwa mubwami bwa-Saatani kuya kuli-Leza, kuti bajane kujatilwa kwazibi alukono akati kabaabo abasalazigwa kukusyoma ndime.

2 Timoteo 2:24-26 Anu muna-Mwami teeleded kulwana pe, uleeleded kuba mutete moyo kubantu boonse, uulibambilide kufundisya, akubosya moyo. 25 Uleeleded kujokolola camoyo mubombe akweenzya baabo bakazy makani, kuti antela Leza ulabapa Iweempo Iwakuziba Iusinizyo, 26 alimwi kuti balisungunune mukooze ka-Saatani, mbobali baange bamuna-Mwami kuluyando Iwa-Leza.

Ciyubunuzyo 3:17-19 Nkaambo waamba kuti, Ndi muvubi, ndivubide lubono, taakwe cintu neembula, pele tozi kuti ulipengede,

**ulisampaukide, uli mucete, uli moofu, alimwi uli acinswe. 18
Ndakubuzya kuti uule kulindime ingolida iyakasunkwa mumulilo,
kuti uvube, amasani aatuba aakulisamika, kuti insoni zyacinswe
cako zitaboneki, alimwi unanike meso aako amafuta, kuti ubone, 19
Abo mbenjanda ndababwekela akubakoma, nkaambo kaako
usungwaale akweempwa.**

**2 Ba-Korinto 7:10 Nkaambo buusu buzwa kwa-Leza bulaleta Iweempo
akucita lufutuko latalisekwi, anukuti buusu bwaansi bulaleta lufu.**

**1 Bami 18:37 Kondivviila, O Jehova, kondivviila, kuti bantu aba bazibe
kuti nduwe Leza, O Jehova, alimwi wapilusya myoyo yabo.**

**2 Ba-Korinto 4:4 nkaambo kulimbabo muzimu waansi ano waofwaazya
meso aabaabo batazumina, kuti batapaswidwi mumuni wa-Makani
Mabotu aabulemu bwa-Kristo, nguwe cinkozya caLeza.**

**Luka 8:11-15 Eno cikozyano nceeci: imbuto ninkani ya-Leza, 12 Abo
abali munzila mbabasiilila, ndilyonya wasika Saatani, wabanya
makani mumyoyo yabo, kuti batasyomi akufutulwa, 13 Abaabo abali
mumabwe mbabamvwa makani, baatambula akubotelwa, pele
tabajisi miyanda, basyoma kaindi, elyo kwasika kutepaulwa
mpoonya mpoonya balenguka. 14 Ezyo izyakawida akati kamamvwa,
mbabamvwa makani, bazwa awo bayo bweenda, bafundilizigwa
makataazyo, alubono, amisobano yabuumi, tabazyali micelo. 15 Ezyo
zyamuvu bbotu mbambabo abamvwa makani amoyo mubotu
uululeme, baajatisya, bazyala micelo calunamba.**

**Incito 15:11 Pele tusyoma kuti tulafutulwa aluzyalo Iwa-Mwami Jesu,
mbubonya mbuli mbabo.**

**Ba-Roma 8:13 Nkaambo mwaponia canyama, mulafwa, pele kuti
kamujazy Muuya milimo yanyama, mulapona.**

**Pastor T. John Franklin
Church of Salvation, Healing, and Deliverance
COS-HAD.org**